



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o utvrđivanju posebnog značaja za Grad Sarajevo
za Udruženje Međunarodni forum Bosna
(Prijedlog)

Predlagač: Gradonačelnica
Obradivač: Gradska služba za lokalnu samoupravu

Sarajevo, juni 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b). Statuta Grada Sarajeva („Službene novine Kantona Sarajevo“, broj 7/23), kao i na osnovu člana 8. stav (1) Odluke o načinu sticanja statusa udruženja i fondacija od posebnog značaja za Grad Sarajevo („Službene novine Kantona Sarajevo“, broj 51/21), Gradsko vijeće Grada Sarajeva, na __. sjednici održanoj dana __. __. 2023. godine, donosi:

(Prijedlog)

**Odluku
o utvrđivanju posebnog značaja za Grad Sarajevo
za Udruženje Međunarodni forum Bosna**

**Član 1.
(Predmet Odluke)**

Ovom Odlukom utvrđuje se da je Udruženje Međunarodni forum Bosna od posebnog značaja za Grad Sarajevo, kao organizacija čije je djelovanje usmjereno ka osiguranju osvješćivanja bosanskohercegovačke društvene i državne cjelovitosti na osnovama povjerenja, otvorenosti i demokratije, kao i istraživanju u svim područjima društvenog života koja se tiču stabilizovanja bosanske kulturne, političke i ekonomske usmjerenosti prema harmoničnom političkom projektu, vršeći tako misiju jačanja tolerancije i razvoja demokratskog društva kao vrijednosti od posebnog interesa za Grad Sarajevo.

**Član 2.
(Iznos sredstava i period finansiranja)**

Djelatnosti Udruženja Međunarodni forum Bosna sufinansiraju se iz sredstava Budžeta Grada Sarajeva u iznosu od 10.000, KM (desethiljada KM), tokom više budžetskih godina, dok ispunjava opće i posebne uslove za sticanje statusa posebnog značaja za Grad Sarajevo, odnosno do prestanka statusa, u skladu sa Odlukom o načinu sticanja statusa udruženja i fondacija od posebnog značaja za Grad Sarajevo.

**Član 3.
(Nadzor)**

Nadzor nad provedbom Odluke vrši gradonačelnica Grada Sarajeva putem nadležne Službe, Gradske službe za lokalnu samoupravu.

**Član 4.
(Izmjene i dopune)**

Izmjene i dopune Odluke, vrše se na način i po postupku za njeno donošenje.

**Član 5.
(Stupanje na snagu)**

Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

**Broj:
Sarajevo, __. __. 2023. godine**

O B R A Z L O Ž E N J E

PRAVNI OSNOV

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva, kojim je propisano da Gradsko vijeće donosi odluke, druge propise i opće akte i daje njihovo tumačenje, kao i u članu 8. stav (1) Odluke o načinu sticanja statusa udruženja i fondacija od posebnog značaja za Grad Sarajevo, čijom odredbom je, između ostalog, utvrđeno da Gradsko vijeće Grada Sarajeva donosi konačnu odluku o utvrđivanju posebnog značaja za određeno udruženje ili fondaciju, na prijedlog gradonačelnice Grada Sarajeva.

RAZLOZI DONOŠENJA

Udruženje Međunarodni forum Bosna obratilo se gradonačelnici grada Sarajeva, i to Zahtjevom za sticanje statusa udruženja od posebnog značaja za Grad Sarajevo. Uz zahtjev su dostavljeni dokazi o ispunjavanju općih i posebnih uslova iz Odluke o načinu sticanja statusa udruženja i fondacija od posebnog značaja za Grad Sarajevo.

Međunarodni forum Bosna od svog osnivanja 1997. godine, u različitim oblastima društvenog života, provodi brojne aktivnosti i projekte.

Ističe se projekat Bosna: Istraživanje i razvoj (BOSRED) – osnivanje regionalnih i tematskih centara (za strategijske studije, za tehnologiju i ekonomski razvoj, za studentske programe, za interreligijski dijalog...), program stipendiranja na različitim nivoima zvanja (dodiplomske, postdiplomske i doktorske studije), javna predavanja, razgovori, simpoziji i konferencije u BiH i inostranstvu, zatim, izdavanje časopisa Forum Bosnae, te redovni godišnji programi: Sarajevo UN sedmica međuvjerskog sklada u svijetu, Internacionalna konferencija Sarajevo i svijet, Internacionalna konferencija Jedinstvo i razlike u Evropi, Internacionalna ljetna škola Mladi i naslijeđe, internacionalni kolokvij Bosanska usmena tradicija u kulturi svijeta.

U svim programima Međunarodnog foruma Bosna, Sarajevo je predstavljeno kao simboličko ogledalo svega bosanskohercegovačkog, te kao simbol u kojem treba tražiti sličnosti sa idejom i idealom harmoničnih odnosa u svijetu. Ti sadržaji simboličkog značaja Sarajeva možda nisu vidljivi većini današnjih bosanskohercegovačkih građana, ali u njihovom odmjerenju u odnosu sa najboljim postignućima kulture, politike i ekonomije u svijetu, treba ih otkrivati kao usmjerenje prema boljoj budućnosti.

Gradonačelnica je, u skladu sa odredbama Odluke o načinu sticanja statusa udruženja i fondacija od posebnog značaja za Grad Sarajevo i prijedlogom nadležne službe, uputila Gradskom vijeću Grada Sarajeva prijedlog da se za Međunarodni forum Bosna utvrdi status od posebnog značaja za Grad Sarajevo.

Vodeći računa o prednjem, te cijeneći da navedeno udruženje svojim djelovanjem predstavlja i promovira osnove tolerancije, podstiče razvoj pluralnosti i demokratskog društva, te tako afirmiše vrijednosti koje su od posebnog interesa i značaja za Grad Sarajevo, Gradsko vijeće Grada Sarajeva donijelo je ovu odluku.

FINANSIJSKA SREDSTVA

Finansijska sredstva za realizaciju ove odluke obezbjeđuju se u Budžetu Grada Sarajeva.